

李文忠公全書

朋僚函稿

卷十七

李文忠公朋僚函稿

卷之十七目錄

復沈幼丹制軍

光緒三年正月十七日

復區海峯容純甫

光緒三年正月二十二日

致沈幼丹制軍

光緒三年三月十三日

復吳春帆京卿

光緒三年三月二十日

復丁雨生中丞

光緒三年三月二十一日

復何筱宋制軍

光緒三年三月二十一日

復郭筠僊星使

光緒三年三月二十六日

復郭筠僊星使

光緒三年四月初二日

復吳春帆京卿

光緒三年四月二十八日

復沈幼丹制軍

光緒三年五月初五日

月修國朝一十七日金
復劉仲良中丞

光緒三年五月十九日

復丁雨生中丞

光緒三年五月二十一日

復郭筠僊星使

光緒三年六月初一日

復周筱棠京卿

光緒三年六月十三日

復沈幼丹制軍

光緒三年六月十四日

復曾沅浦宮保

光緒三年七月初五日

復何筱宋制軍

光緒三年七月十一日

復郭筠僊星使

光緒三年七月十八日

復沈幼丹制軍

光緒三年七月二十六日

復吳春帆京卿

光緒三年八月十五日

復周筱棠京卿

光緒三年八月二十四日

復曾劼剛京卿

光緒三年八月二十七日

復曾沅浦宮保

光緒三年八月二十八日

復吳春帆京卿

光緒三年九月初三日

復丁雨生中丞

光緒三年九月初六日

復沈幼丹制軍

光緒三年九月十六日

復曾沅浦宮保

光緒三年九月十七日

復曾沅浦宮保

光緒三年九月二十五日

復沈幼丹制軍

光緒三年十月初一日

復郭筠僊星使

光緒三年十月初四日

復吳春帆京卿

光緒三年十月初六日

復曾沅浦宮保

光緒三年十月十二日

復沈幼丹制軍

光緒三年十月二十一日

復吳春帆京卿

光緒三年十月二十二日

復曾沅浦宮保

光緒三年十月二十四日

復曾沅浦宮保

光緒三年十月二十八日

復榮侍郎

光緒三年十一月初二日

復郭筠僊星使

光緒三年十一月初四日

復丁稚璜宮保

光緒三年十一月十二日

復曾沅浦宮保

光緒三年十一月十三日

復李子和河帥

光緒三年十一月十三日

復文式巖中丞

光緒三年十一月十四日

復熱河延都護

光緒三年十一月長至日

復吳春帆京卿

光緒三年十一月二十日

復李子和河帥

光緒三年十一月二十二日

致閻丹初侍郎

光緒三年十一月二十四日

復沈幼丹制軍

光緒三年十一月二十五日

復陳俊臣廉訪

光緒三年十二月初八日

復閻丹初侍郎

光緒三年十二月十三日

復桂司馬本誠張大令彭齡

光緒三年十二月十四日

致洪琴溪觀察

光緒三年十二月二十二日

李文忠公朋僚函稿卷十七

全集三之十七

桐城吳汝綸編錄

復沈幼丹制軍

光緒三年正月十七日

朝廷倚公爲東南柱石喘疾卽不能驟愈亦欲以臥治保障況春氣融和自漸痊復幸勿堅持初志久假不銷致煩

宸廑而負民望招商局買併旗昌股分疊經咨覆旋奉

寄諭竊謂當世無此風力但冀在事諸人稟承盡略善持其後河運改海僅就局員原稟咨請總署轉商農部乃惹出許多議論江都一生經濟惟力主江北十萬石河運而已長江六處停泊章程言人人殊幾如築室道謀惟卓論與九江沈道續議切中事理簡當可行未知總署如何核定已據鄙見轉陳災民分廠賑濟籌辦極爲盡心是以感召天和祥雲疊沛欽感奚似臺事昨始議覆與

尊疏大意略同筱鵬請改爲臺灣巡撫凡與兩生齟齬者皆附和之爲一時計固非妥策爲百年計更非常局不敢不引伸及之以待廷臣決議西班牙虛聲恫喝各國皆不謂然當有善處之法梓芳函告建平案結極爲平允何患違言滬道何人接署諒已定局盛軍營勇爲哥會句引潰去二百餘人幸卽剿除亦由餉絀所致

復區海峯容純甫

光緒三年正月二十二日

近來學生造詣有諸君認真督率自當進而益上其選入大書院者能否令其各習一藝中國所亟宜講求者煤鐵五金之礦未得洋法則地寶不出現在臺灣湖北等處開煤所請英人高下不等所用機器原委難明其餘各省因無人指授不免觀望如出洋學生內有穎異可造之才望送入礦務學堂先窮究其理器一二年後再令游覽美國五金礦所或暫充工役或隨同研究必自能辨

識地產之有無厚薄機器之如何用法融會貫通可得上等考單
確有把握然後遣回再發往各省礦局試用庶於國計有裨千祈
留意純甫所薦黎約翰水雷去冬經唐景星與之議訂大略本年
諒必送來試驗惟各國洋人頗多訾議或謂價值太昂或謂並非
新式利器應俟演放後察奪辦理惟埃及並他國買此雷者究竟
實價若干仍祈查訪明確由電報寄招商局以便考核至要至盼
蒞秋太常有三月閒出京之說西班牙公使以新議古巴章程未
定欲調兵船來華脅制尙在混攪星使須先赴美國籌辦一切華
盛頓派員至金山查辦華工事宜聞西三月可定議所有外國緊
要新聞及學生情形希隨時詳晰示知以慰遠念

致沈幼丹制軍

光緒三年三月十三日

惠書改擬沿江六處補釐減釐之法簡要詳明曷任欣佩比赫總

稅司謁商計已面商定妥惟總稅司於釐卡向不謂然又意存含混不欲苦心分明恐所議無成仍取決於總署則藉以宕緩開辦之期在我固未失算英使或不致責言耶昨又奉二月二十六日手示知己力疾銷假惟氣喘無眠尙未甚減春暖氣和喘嗽定可漸止內意必不肯釋手似祇能以武鄉盡瘁爲期臥治更不待言矣不才闇弱未敢言退然每羨人之勇退公則欲退不能莫如不
必言退更爲直捷卓見以爲何如筱宋致召民書深怨雨生祇知有己不知有人雨生去志益決接總署議復臺餉之疏稍爲有著未識幡然變計否俊侯赴任固係正辦所請選帶數營似未知箇中爲難情形大枝勁旅全賴主將得人俊去竟無能替分統者將與兵旣不可分餉尤未能分撥弟未奉

旨不便與議若以數營應調求由閩中籌支否則徑由尊處飭撥

蘇局釐金若干斷不可令揚臺遠解也滬道以芝田兼署交涉公
事較熟仁山爲餉源日絀擬卽赴津籌商當預擇會辦之人將來
如有量移便易脫卸仲弢回津後屢請續假其意亦不欲南行耳

復吳春帆京卿

光緒三年三月二十日

永保在津因船舵損壞修理逾月今始告藏飭解礮船餉銀一萬
兩回閩克鹿卜四磅礮已發各營操練礙難撥回幸呂宋尙無兵
船來華臺防訂購新礮尅期可至亦無須借用致將來撥還多一
周折也日李帶學生於二十二日由香港搭船出洋似可由尊處
主稿會奏何必拘泥大咨尙未奉到實亦無從核辦筠仙燈節來
信謂正月初五金登幹邀往海口驗試新造三十八噸礮船二隻
一名麻甲英官浪爲美管帶一名阿刺塔英官靜樂林管帶運用
機器輕便靈妙詢之海部侍郎司久阿云英人數年內始得汽機

放礮之法現造礮船尚未通行船身鐵厚不逮五分意嫌其薄然礮固中土所絕無者赫德云四月杪必到閩屆時乞妥細驗收雨生嫌邱千總軟弱鄙見略同管帶巨礮行大洋風浪中不至貽誤否望再與兩帥暨吳世忠等認真考訂管帶責任甚重誠不可輕以嘗試至應留洋弁與否應調換弁兵之處并求主裁仍飭歸隊操練月餘如臺洋無警卽飭該四船結伴北來爲幸筱雨二公意見參差皆爲公事召民面稱閩中司道稟請兩帥回省會商自易融洽兩帥能卽內渡否總署戶部議覆臺餉分撥南洋海防額款號稱歲二百萬每年實解不過四十萬指作開礦鐵路募墾等經費不敷尙鉅其軍餉及購辦礮械八十萬若能截留閩省京協各餉庶少寬展購中號鐵甲船二隻總須二百萬以外部議卽准借洋債祇能在海關應撥四成防餉內按年扣還寅支卯糧則海防

額餉更無可恃矣見在定議若何便希詳示李勉林有告退之意
玉軒暫難離局金陵機器局雖較簡但未用洋匠全賴龔仰蓮有
三分內行指揮調度劉治卿人甚懔懂管局十年祇知賺錢不解
製造未便復用

復丁雨生中丞

光緒三年三月二十一日

疊閱筱帥致召民函情詞拂鬱頗怪執事莫知我艱筱濤赴省稟
商當漸融洽春帆緘告已允截留閩餉接濟臺防並可商借洋債
似尙實心幫助顧全大局昨准總署咨臺灣巡撫業已議駁具見
中朝倚畀甚殷台端無可求退之理似仍如鄙論鞠躬盡瘁爲是
聞司道公稟籲請騶從回省會商一切筱帥局量雖似徧急而心
地極厚性情率真本係同鄉一經面晤無不能通商者臺地各務
尙未開辦或可抽暇旋省耶部署皆不以借洋債爲然惟開辦鐵

路定購鐵船一時斷難有此巨款或者通融准行惟各關無力分
年認還當於南洋海防應撥四成半分之半項下按結抵扣爲數
無幾若僅借二百萬分十年歸楚尙不至誤但此後解款愈少幸
預籌之各國電報俄與土耳其衅端已開歐洲戰爭方始日本薩
峒馬之亂尙無了期乘此東西洋多事無暇旁顧中土厲兵練甲
事有可爲全賴閣下提綱挈領振此頽風不才老憊引領企之鍾
西耘留館後當仍回臺襄助

復何筱宋制軍

光緒三年三月二十一日

臺防爲閩廈屏蔽雨生力疾經營諸廢並舉初調勇營輪船藉壯
聲勢固懾於赫德呂宋之虛報至今並無兵船入境臺中可從容
籌布閩省尤應鎮靜無爭唐俊侯帶隊赴任自係正辦惟所統馬
步二十營無人接替兵分則單餉分則竭幼丹來信極爲躊躇聞

已另撥他營應命矣召民高掌遠蹠欲圖脫卸津關歸謀宏遠公
司出洋之事雅不願再就羈勒滬上機器局本非李勉林所能獨
任勉林又懷去志王軒未便一日遠離況王軒尙係候選知府升
用道員調閩須加捐過班留省小就亦非樂爲頃春帆復以尊意
相屬顧念局務之重人才之艱不得不繫維朝夕徐待機緣耳閩
省洋務除教案應由地方官妥辦其餘交涉尙非甚繁向來當有
熟手或無須異地求才

復郭筠僊星使

光緒三年三月二十六日

閱新聞紙知已順抵倫敦覲見英主總署鈔寄行海日記一本循
覽再四議論事實多未經人道者如置身紅海歐洲開一拓眼界
也補頒駐紮

國書另發文憑一節總署如何議覆尙未得信昨准咨雲生京卿

已奉

上諭賞加二品頂戴改爲德國

欽差大臣從此裁去副使名目而藉聯德國之交實屬一舉兩得
惟執事久駐英都之局亦定一時恐乏替人異方風景殊令人增
忉怛耳胡筱泉爲餘杭命案奪職執事坐補少司馬差強人意數
萬里苦役擔當

國是僅以此酬庸猶未慊也十年修約一條遽欲除去本辦不到
威使函內語意尙順其云中國固遵和約條款辦事可免重修不
論何時中國則可直謂不必重修似頗斬截若慮煙臺定約甫經
開辦再過一年又值修約之期同治八年議修未成遂作罷論卽
再屆期斷無偏迫紛更之理但未便明刪此條耳德俄修約雖欲
添改多條究亦尙無定論卽令英國廢此條而各國未必皆廢此

條存之不過多費脣舌若無他衅豈能因此逼迫耶新嘉坡等處設立領事閱鈔致胡璇澤信已照會外務府如何照覆華民身格年貌紙筆費似祇能酌收一次抵作領事常年費用恐尙不敷由公使略助公款亦非常局想已緘商總署未稔如何定章弟曾略致此意亦未詳覆小呂宋噶羅巴屬日葡諸國應由總署與日使商辦葡國并未立約更無從商胡璇澤恐力難兼管亦非駐英使臣所能遙制但可先設新嘉坡一二處樹之風聲收拾人心他處再逐漸察度試辦方有次第卞長勝等弁兵七人派赴德國學習武藝已鈔全案交李丹崖觀察帶去奏明飭令每三月赴德查察一次先是德使巴蘭德轉致伊兄巴總兵代爲照料嗣據巴使等來信謂卞長勝王得勝朱耀采三人不守營規由原帶之李勛協安置博洪廠學習製造機器仍留四人在斯邦達軍營學藝頗有